



Bou ons kinders vir môre

Sondagskool 2

Lestitel: Jakob se vlug en droom

'n Ouerhandleiding

Sondagskooltuisonderrig



Liewe Ouer

Welkom by die les: “**Jakob se vlug en droom**”

Hierdie dokument gee u 'n basiese handleiding oor hoe die les aangebied kan word.

Hoe om vir die les voor te berei en dit aan te bied

Hier volg 'n paar wenke vir voorbereiding en aanbieding:

Stap	Aksie
1.	Verkry toegang tot die webtuiste van die Nuwe Apostoliese Kerk deur die volgende in te sleutel of deur op die volgende WhatsApp-skakel te druk: https://bit.ly/3NACSSHS
2.	Versamel die volgende hulpmiddels om te verseker dat u vir die les gereed is: • Bybel • Die les in PDF-formaat wat reeds voorberei is • Kind se werkboek, potlode, kryte, ens. • Die kort video, wat 'n addisionele / opsionele hulpmiddel is • Kategismus in Vrae en Antwoorde (veral vir Konfirmasie) Nota: 2.1: Die ideale tyd om die les aan te bied is na die Sondagoggendgodsdien, om sodoende in lyn met die normale Sondagskooltyd roetine te behou. 2.2: Hou die les so bondig (kort) moontlik. Hou die aandagspan (om te fokus op die les) van ons kinders in gedagte. U ken u kind die beste! Normaalweg duur Sondagskool nie langer as 45 minute nie. 2.3: Die les is vir 'n spesifieke klas (Sondagskool (SS), Godsdiensonderig (RI) of Konfirmasie (Conf)). 2.4: Kontak gerus u Sondagskoolonderwyser indien u ondersteuning vereis of van bogenoemde hulpbronne benodig.
3.	Bid (sien die gebed aan die einde van hierdie dokument) en vra God om u as instrument te gebruik om die les aan te bied soos Hy dit wil hê.



Bied 'n Sondagskoolles tuis aan

Hoe om vir die les voor te berei en dit aan te bied

Ons gaan voort om 'n paar wenke te gee rakende voorbereiding en aanbieding:

Stap	Aksie
4	Skep 'n aangename en steurnisvrye leeromgewing waar u en die kind / kinders op dieselfde vlak kan wees. Voorbeeld: Sit op 'n mat of om 'n tafel.
5	Lees die les deur. Lees weer deur die les sodat u dit verstaan. Kyk na die kort video van die les om 'n beter begrip van die les te kry.
6	Maak vir jouself aantekeninge oor belangrike punte wat jy graag wil onthou.
7	Verstaan die doelwit van die les, wat deur u kind onthou moet word.
8	Bied die les vir u kind aan.
9	Wys vir jou kind die video en bespreek die betekenis daarvan.
10	Verwys u kind na die aktiwiteit in die kind se werkboek
11	Bid of vra u kind om te bid om sodoende die les af te sluit.

Beskikbare hulpmiddels vir tuisonderrig

Hiermee 'n paar hulpmiddels om die gehalte van die les te verbeter:

1. Gesels via WhatsApp met 'n ander Sondagskoolfamilie.
2. Bespreek die les met ander ouers om duidelikheid te kry voordat dit aangebied word.
3. Dit staan u vry om self navorsing te doen vir addisionele(ekstra) inligting.



Die Les

Lestitel	Jakob se vlug en droom
Bybelwoord	Genesis 27: 41-46 en Genesis 28
Lesdoelwit	Die kinders leer dat God naby ons is en ons seën.

Lesopsomming:

- Esau het sy broer Jakob gehaat omdat hy hom van sy eersgeborene-seën beroof het en hy wou hom doodmaak na Isak sou sterf.
- Rebekka het hiervan te hore gekom en sy en Isak het Jakob aangeraai om na hul vaderland, Mesopotamië, te vlug en daar vir hom 'n vrou te vind.
- Tydens sy vlug het hy vir die nag gestop. Hy het 'n klip geneem en gebruik dit as 'n kussing, waar hy op die grond slaap.
- Daardie nag het Jakob 'n vreemde droom gehad. Hy het gesien hoe 'n leer reguit tot in die hemel strek, en dat God se engele daarop op en af beweeg.
- Toe sien hy God wat bo aan die leer staan staan en sê: “Ek is die Here, die God van jou vader Abraham en die God van Isak. Die land waarop jy lê en slaap, sal Ek aan jou en jou nageslag gee; en jou nageslag sal wees soos die stof van die aarde, en jy sal uitbrei na die weste en die ooste, en na die noorde en die suide; en in jou en jou nageslag sal al die geslagte van die aarde geseën word. En kyk, Ek is met jou, en Ek sal jou bewaar oral waar jy heengaan, en Ek sal jou terugbring in hierdie land....”
- Die volgende oggend het Jakob baie dankbaar wakker geword en die klip wat hy as kussing gebruik het, as 'n gedenksteen gewy deur olie daaroor te gooi. Jakob het hierdie plek “Bet-el” genoem, wat “huis van God” beteken.
- Jakob het 'n belofte aan God gemaak: “As God met my sal wees om my te bewaar op hierdie weg wat ek gaan, en aan my brood sal gee om te eet en kleren om aan te trek, en ek behoue na die huis van my vader sal terugkom, dan sal die Here my God wees. En hierdie klip wat ek as gedenksteen opgerig het, sal 'n huis van God wees, en van alles wat U my gee, sal ek aan U sekerlik die tiendes afstaan.”



Wat beteken hierdie les vandag vir ons?

- Selfs as ons iets verkeerd gedoen het, is God se liefde, seëninge en beskerming altyd tot ons beskikking. Ons is nooit alleen nie. God is altyd naby ons.
- Ons is kinders van God en Hy sal na ons omsien omdat Hy ons liefhet. Al wat ons moet doen, is om sy gebooie te gehoorsaam en aan Hom getrou te bly.
- Ons moet God altyd loof en aanbid vir al die wonderlike dinge wat Hy gedoen het, en onthou om 'n tiende van ons sakgeld aan Hom te gee.

Sommige vrae wat ons kan vra:

1. Wat het God vir Jakob in sy droom belowe?

Antwoord: Oorvloed van grond / groot nageslag / seëninge / beskerming

2. Hoe dink jy het Jakob gevoel nadat hy die volgende oggend wakker geword het?

Antwoord: Hy was so vreugdevol en hoopvol dat hy die klip waarop hy geslaap het, as gedenksteen opgerig het om God te loof.

3. Offer jy, en waarom dink jy is dit belangrik om te offer?

Antwoord: Laat die kind antwoord

'n Gebed vir Pappa en Mamma om voor die les te bid:

Liewe God, baie dankie vir hierdie dag

Seën alle ouers en kinders

Mag ons u teenwoordigheid aanvoel

Seën die les wat ons gaan hê, Leer ons hoe om U te dien

En help ons om u wil te doen, Sodat ons nader aan U kan groei

Stuur Jesus om ons te kom haal

En mag ons gereed wees om Hom te ontmoet. Amen

'n Gebed na die les:

Liewe Vader in die hemel, ek dank U dat U ons vandag beskerm het en dat daar geen ongeluk gebeur het terwyl ons gespeel het nie.

Laat ons almal lekker slaap en gee môre weer 'n pragtige dag.

Help my asseblief op skool en dat ek goed met my vriende oor die weg sal kom en nie met hulle sal baklei nie.

Wees altyd met mamma en pappa.

Seën ons stamapostel, apostels en al ons diensknegte en beskerm hulle op hul reise.

Help al u kinders, veral die siekes. Kom gou en neem ons almal huis toe. In Jesusnaam. Amen.